

Ա. Ա. Սաղադյան

ՀԱՍԱՐԱԿԱԿԱՆ ՀԻՄՈՒՆՔՆԵՐՈՎ ԱՇԽԱՏԱՆՔԻ ՇԱՐԺՄԱՆ ԾԱՎԱԼՈՒՄԸ ՄԵՐ ՀԱՆՐԱՊԵՏՈՒԹՅՈՒՆՈՒՄ

Սովետական հասարակությունը մտել է իր զարգացման նոր ժամանակաշրջանը՝ կոմունիզմի ծավալուն կառուցման ժամանակաշրջանը։ Կոմունիստական հասարակությունը կառուցվում է զիտական կոմունիզմի թեորիայի հիման վրա։ Էնդհանրացնելով մարդկային հասարակության անցյալի փորձը, մարքսիզմի թեորետիկները մշակել են կոմունիստական անդամակարգ հասարակության կառուցման օրինաչափությունները։ Մարքսն ու Էնգելսը կոմունիստական հեղափոխությունը համարել են մարդկության թույլ անհրաժեշտության թաղավորությունից դեպի ազատության թաղավորություն¹։ Բացահայտելով կապիտալիզմի առաջացման, զարգացման և մահացման օրենքները, նրանք հիմնավորել են կոմունիստական հասարակության պատմական անխուսափելիության թեորիան, ապացուցել անդամակարգ հասարակության հաղթանակի պատմական անհրաժեշտությունը։

Ստեղծագործարար զարգացնելով ու հարստացնելով զիտական կոմունիզմի հիմնադիրներ Մարքսի ու Էնգելսի ուսմունքը, սովետական պետության ստեղծող Վ. Ի. Լենինը մշակել է պետության մասին ուսմունքը, զարգացրել մարքսիստական թեորիան՝ պրոլետարիատի զիտատուրայի մասին, բուլժադրել սոցիալիստական պետությունը կոմունիստական ինքնավարության վերաճելու բնդհանուր օրինաչափությունները։

ՍՄԿՊ Ծրագրի, որը հիմնված է Մարքսի, Էնգելսի, Լենինի ուսմունքի և զիտական եզրակացությունների վրա, մի նոր առաջընթաց քայլ հանդիսացավ պետության մասին թեորիայի մշակման գործում։ Ծրագրում առաջին անգամ տրված է կոմունիստական հասարակության կառուցման կոնկրետ, զիտականորեն հիմնավորված պլանը։ ՍՍՄԿ-ի և ժողովրդական դեմոկրատիայի պետությունների հարուստ փորձի հիման վրա, ՍՄԿՊ Ծրագրում մշակված են պետության միջնադարյալ շատ հարցեր՝ ժամանակակից բուրժուական պետության զարգացման տենդենցի դեահատումը, սոցիալիզմին անցնելու ձևերը, պրոլետարիատի զիտատուրայի բաղադրանքների, համաժողովրդական պետության, կոմունիզմի անցման ժամանակաշրջանում պետության ֆունկցիաների, պետության մահացման պայմանների մասին հարցեր, ցույց է տրված սոցիալիստական պետությունից կոմունիստական հասարակական ինքնավարության անցնելու կոնկրետ ձևերը, պրոլետարիատի զիտատուրայի պետությունից համաժողովրդական պետության անցնելու պայմանները։

ՍՄԿՊ Ծրագրում, կուսակցության XXII համագումարի հաշվետու զեկուցման մեջ նշված են կոմունիստական հասարակական ինքնավարության անցնելու ժամանակ սոցիալիստական դեմոկրատիայի զարգացման հիմնական

1 Յ. Է. Գ. Ե. Ս., Սեռիգյուրինգ, Հայպետհրատ, 1952, էջ 364։

ուղղությունները, բոլոր քաղաքացիներին հասարակության գործերի կառավարմանը մասնակից դարձնելու ուղիները: Կուսակցության Մրազիլը պահանջում է մշտապես կատարելագործել ժողովրդական ներկայացուցչությունները, սովետական ընտրական սիստեմը՝ կոմունիստական շինարարության կարևորագույն հարցերի համաժողովրդական քննարկման, իշխանության օրգանների գործունեության նկատմամբ ժողովրդական վերահսկողություն սահմանելու, պետական և հասարակական կազմակերպություններում ղեկավար աշխատողների հետևողական ընտրականության և հաշվետվության սկզբունքներն իրականացնելու միջոցով:

Սովետական դեմոկրատիայի հետագա զարգացումը, պետության կառավարման մեթոդների ու ձևերի կատարելագործումը հնարավորություններ կընձեռեն սոցիալիստական պետության աստիճանական վերափոխման և կոմունիստական հասարակական ինքնավարության անցնելու համար:

Ինչպես կյանքն է ցույց տալիս հասարակական ինքնավարության օրգանները ձևավորվում են սովետների, արհմիությունների, կոոպերատիվների և հասարակական այլ կազմակերպությունների բաղադրյալով: Սակայն այդ նորաձեռնող կազմակերպությունները ունեն բոլորովին այլ բովանդակություն: Հասարակական ինքնավարությունը իրենից ներկայացնում է կառավարման այնպիսի միաձուլված, խելացի, կազմակերպական տեսակետից ճիշտ կառուցվածք ունեցող ինքնուրույն ղեկավարման օրգան, որը բոլոր քաղաքացիների համար ստեղծում է լայն հնարավորություններ ակտիվորեն մասնակցելու հասարակական գործին, տնտեսության ու կուլտուրական շինարարության կառավարմանը: «Միմիայն կոմունիզմը, — նշում է Լենինը, — կարող է իսկապես լիակատար դեմոկրատիա տալ, և որքան ավելի լիակատար լինի այդ դեմոկրատիան, այնքան ավելի շուտով անպետք կդառնա նա, ինքն իրեն կմահանա»²:

Հասարակական հիմունքներով աշխատանքի շարժումը ծնունդ է առել դեռևս Հոկտեմբերյան սոցիալիստական ռոլյուցիայի հաղթանակի առաջին օրերին: Հաղթարավոր բանվորներ ու գյուղացիներ, որպես դեպուտատներ ակտիվորեն մասնակցում էին պետության ներկայացուցչական հիմնարկներում, որոնք ի տարբերություն մինչ այդ գոյություն ունեցող պրոֆեսիոնալ պառլամենտականների, իրենց ֆունկցիաները սիրով կատարում էին առանց վարձատրության: Կոմունիստական շարափօրյակներին մասնակցող հաղթարավոր բանվորներ ու գյուղացիներ 1919 թ. առանց վարձատրության վերականգնում էին պատերազմի ժամանակ քայքայված տնտեսությունը, հասարակական կարգ ու կանոն էին պահպանում բանվորական դրոժինաներն ու կարգապահական ընկերական դատարանները:

Վ. Ի. Լենինը հսկայական նշանակություն էր տալիս հասարակության ընդհանուր գործին աշխատավորների լայն մասսաների ընդգրկմանը: Դրանում մեծ առաջնորդը տեսնում էր կոմունիստական ապագա հասարակության ծիլերը՝ «Կոմունիստական, — տեսնում էր նա, — սկսվում է միայն այն ժամանակ, երբ հրապարակ են դալիս շարափօրյակները, այսինքն՝ առանձին անձերի անվարձ ոչ մի իշխանության, ոչ մի պետության կողմից շնորհավորված աշխատանքը, որ լայն մասշտաբով կատարվում է հասարակական օգտի համար»³:

² Վ. Ի. Լենին, Երկեր, հ. 25, էջ 602:

³ Վ. Ի. Լենին, Երկեր, հ. 30, էջ 358—359:

Ներկայումս կոմունիստական աշխատանքի շարժմանը մասնակցում է ավելի քան 29 միլիոն մարդ։ Կոմունիստական աշխատանքի կոլեկտիվների պատվավոր կոչման համար պայքարում են 62 հազար ձեռնարկություն, 270 հազար արտադրամաս, հերթավոխ, բաժանմունք և ֆերմա։ Այն ուրդեն նվաճել են 3400 ձեռնարկություն, 443 հազար բրիգադ⁴։

Կոմունիստական աշխատանքի շարժման հետ մեկտեղ զարգանում են աշխատանքի և արտադրության կազմակերպմանը բանվորներին, մասնագետներին ու ծառայողներին մասնակից դարձնելու բազմազան ձևեր։ Արդյունաբերությունում, շինարարությունում, տրանսպորտում, գիտական հիմնարկներում դործում են ավելի քան 21 հազար հասարակական կոնստրուկտորական ու տեխնոլոգիական բյուրոներ, տնտեսական վերլուծության մոտ 25 հազար հասարակական բյուրոներ և խմբակներ, տեխնիկական ինֆորմացիայի 13,5 հազար հասարակական բյուրոներ, նորարարների հազարավոր խորհուրդներ, հասարակական գիտահետազոտական ինստիտուտներ ու լաբորատորիաներ, ստեղծագործական այլ միավորումներ։ Դրանցում աշխատում են ավելի քան մեկուկես միլիոն ինժեներներ, տեխնիկներ, նորարար բանվորներ⁵։

Հասարակական հիմունքների զարգացումը պայմաններ է ստեղծում մի շարք վճարովի աշխատանքներ անվճար, հասարակական աշխատանքներով փոխարինելու համար, իսկ դա իր հերթին կնպաստի հաստիքային աշխատողների կրճատմանը։

Պլանավորման և հաշվառման օրգանները, տնտեսության ղեկավարման և կուլտուրայի զարգացումը ղեկավարող օրգանները, որոնք այժմ պետական օրգաններ են, կկորցնեն իրենց քաղաքական բնույթը և կդառնան հասարակական ինքնավարության օրգաններ⁶։

Այժմ մեր հանրապետության տարբեր քաղաքներում, բանվորական ավաններում, կոլտնտեսություններում, սովխոզներում լայն գործունեություն են ծավալել հասարակական հիմունքներով աշխատող այնպիսի կազմակերպություններ, ինչպիսիք են՝ տնտեսական վերլուծության բյուրոները, ռացիոնալիզատորների և գյուտարարների, տեխնիկական առաջադիմության խորհուրդները, կոնստրուկտորական, տեխնոլոգիական, տնտեսական կազմակերպությունները՝ ձեռնարկություններում և պետական օրգաններում, արտահաստիքային բաժիններն ու հրահանգիչները՝ սովետներում, հասարակական խորհուրդները առողջապահական, կենցաղսպասարկման հիմնարկներում, կուլտուրայի պալատներում, գրադարաններում, ժողովրդական դրոժինաները, ընկերական դատարանները և այլն։

ՀԱՄԽ-ի հանրապետական կոմիտեներում ստեղծված են 133 հանձնաժողովներ, արտահաստիքային բաժիններ և խմբեր, որոնցում ընդգրկված են 1042 ակտիվիստներ, կան 848 արտահաստիքային հրահանգիչներ, տեսուչներ, հսկիչներ և հավատարմատար բժիշկներ։ 1095 արտադրական խորհրդակցություններում ընդգրկված են 41478 մարդ, այդ թվում բանվորներ 31253⁷։

Հասարակական հիմունքները ներթափանցել են կուսակցական օրգանները։ Այժմ կուսակցական շրջկոմներում, քաղկոմներում, կոմիտեներում,

⁴ «Մոլոտական Հայաստան», 29 ապրիլի, 1964։

⁵ Նույն տեղում։

⁶ Նույն տեղում։

⁷ Տե՛ս ՀԱՄԽ-ի կազմհրահանգչական բաժնի արխիվ։

սկզբնական կազմակերպություններում հասարակական հիմունքներով աշխատում են հազարավոր կոմունիստներ՝ քարտուղարներ, բաժնի վարիչներ, հրահանգիչներ: Ստեղծված են կազմակերպական, գաղափարական աշխատանքի հանձնաժողովներ, արդյունաբերության, տրանսպորտի, շինարարության, գյուղատնտեսության, առևտրի բաժիններ, քաղաքական լուսավորության տներ, ադմինիստրացիայի նկատմամբ վերահսկողության ֆունկցիան իրականացնող հանձնաժողովներ, կուսակցական-պետական վերահսկողությանն աջակցող խմբեր ու պոստեր, կոմերիտմիության գծով՝ «լուսարձակներ», օպերատիվ շտաբներ, շատ այլ կազմակերպություններ: Լայն գործունեություն են ծավալել հասարակական հիմունքներով աշխատող կուլտուրայի, տեխնիկական առաջադիմության, տնտեսագիտության, առողջապահության ժողովրդական համալսարանները, ասպիրանտուրաները, գիտահետազոտական ինստիտուտները, տեխնիկումներն ու դասընթացները, ժողովրդական կոնսերվատորիաները, երաժշտական ուսումնարանները և շատ այլ ժողովրդական ինքնագործ կազմակերպություններ: Հասարակական հիմունքներով գործող այդ կազմակերպություններում ընդգրկված հազարավոր քաղաքացիներ առանց հարկադրման, գիտակցաբար, իրենց կամքով, կատարում են հասարակական աշխատանք և ակտիվ գործունեությամբ նպաստում կոմունիստական հասարակության կառուցման վե՛հ գործին, պայմաններ ստեղծում համաժողովրդական պետությունից կոմունիստական հասարակական ինքնավարության անցնելու համար:

1962 թ. մայիսին Երևանում սկսեցին գործել առաջին «Կոմերիտական լուսարձակները»: Այժմ հանրապետությունում դրանց թիվը հասնում է 845-ի, որտեղ ընդգրկված են 8000 երիտասարդներ ու աղջիկներ⁸: Երիտասարդության այդ մեծ բանակը, որի շարքերն օրեցօր ստվարանում են, ակտիվ պայքար է կազմակերպում հակահասարակական երևույթների, ձեռնարկություններում, տրանսպորտում և այլուր հանդիպող թափվածության, անպատասխանատվության ու բյուրոկրատիզմի երևույթների դեմ: Հանրապետությունում հասարակական հիմունքներով գործում են 35 տեխնիկում և ինստիտուտ, որտեղ ընդգրկված են 3500 կոմերիտականներ և երիտասարդներ⁹:

Արդեն երրորդ տարին է ինչ Երևանի պոլիտեխնիկական ինստիտուտին կից հասարակական հիմունքներով գործում է շինարարական տեխնիկումը, որտեղ շինարարների մասնագիտություն են ձեռք բերում մեծ թվով երիտասարդներ: Տեխնիկումում հասարակական հիմունքներով, առանց վարձատրության դասավանդում են երիտասարդ մասնագետներ Ալբերտ Մարգարյանը, Էդուարդ Առաքելյանը, Ռոբերտ Խարազյանը, Հարություն Խալաթյանը և ուրիշներ: Տեխնիկումի ուսման վարձ է ինստիտուտի հիդրավիկայի ամբիոնի ասիստենտ Ալբերտ Մարգարյանը¹⁰:

Չորս տարի առաջ իր առաջին պարապմունքները սկսեց արվեստի աշխատողների տանը կից ստեղծված հասարակական հիմունքներով կերպարվեստի ստուդիան, որի ղեկավարն է ասպիրանտ Հրաչյա Բաբայանը: Ստուդիայում հասարակական կարգով դասեր է տալիս ժողովրդական նկարիչ Մհեր Աբելյանը: Այստեղ սովորում են տարբեր մասնագիտության ու պրոֆեսիայի երի-

⁸ «Коммунист», 25 декабря, 1963.

⁹ Նույն տեղում:

¹⁰ «Երևանի երևան», 3 ապրիլ, 1964.

տասարդներ՝ Վ. Բ. Լենինի անվան էլեկտրամեքենաշինական գործարանի բանվոր Հովհաննես Սիմոնյանը, ավագ սերժանտ Վլադիմիր Կոռյանը և ուրիշներ: № 128 դպրոցի ռուսաց լեզվի դասատու Ս. Առաքելյանը ավարտելով ստուդիայի դասընթացները, այժմ հասարակական հիմունքներով դասեր է տալիս:

Կիրովականի ուսուցիչների տաճար հասարակական հիմունքներով կազմակերպվել է մանկական թատրոն, որի ղեկավարն է մանկավարժ Ա. Անդրեասյանը, ռեժիսյորը՝ Հ. Աբելյանի անվան թատրոնի ղերասանուհի Մ. Թիրոսյանը, ղերասանները՝ քաղաքի դպրոցների 7—11 դասարանների մի խումբ աշակերտներ:

Հայկական ՍՍՌ սպորտային ընկերությունների և կազմակերպությունների միության գիտամեթոդական խորհուրդը 1958 թ. ձևոնարկել և մինչև այս տարի հասարակական հիմունքներով հրատարակել է ավելի քան 160 գիրք ու բրոշյուր, որոնց ընդհանուր տպաքանակը հասնում է ավելի քան 160 հազար օրինակի: Գրքերի ու բրոշյուրների հեղինակներն են աշխարհի դավաթի նվաճման մրցումների հաղթող Ն. Մուշեղյանը («Տակտիկայի ուսուցման և կատարելագործման մի քանի հարցերը բմբշամարտում»), Եվրոպայի առաջնության մրցանակակիր Կ. Զանեթյանը («Զախլիկ բռնցքամարտիկի դեմ մարտ վարելու առանձնահատկությունները»), Հայկական ՍՍՌ վաստակավոր մարզիչներ՝ դոցենտ Ս. Մամիկոնյանը («Խաղերը, որպես վաղ մասնագիտության առաջին աստիճան»), Հ. Գասպարյանը («Սուսերամարտի տեխնիկան»), մանկավարժական գիտությունների թեկնածու Գ. Պետրոսյանը («Դահուկորդի նախապատրաստական շրջանի երկրորդ փուլի մարզման օրինակելի պլան») և այլն:

Այս տարի ևս շարունակվելու է հասարակական հիմունքներով գրքերի ու բրոշյուրների հրատարակումը: Նախատեսված է առաջին անգամ լույս ընծայել անվանի մարզիկներ Հ. Շահինյանի, Ի. Նովիկովի, Վ. Ենգիբարյանի, Ա. Աղարյանի և Ն. Մուշեղյանի սպորտային ինքնակենսագրական գրքերը¹¹:

Գիտա-տեխնիկական ընկերության հսնրապետական խորհրդին կից 1961 թ. նոյեմբերից հասարակական հիմունքներով գործում է ասպիրանտուրա, որտեղ ընդգրկված են արդյունաբերական ձևոնարկությունների, շինարարական և տրանսպորտային կազմակերպությունների և գյուղատնտեսության բնագավառի 117 աշխատողներ: Ասպիրանտուրան ունի երկու բյուրո՝ արդյունաբերության (ղեկավար՝ ակադեմիկոս Գ. Աղաջանյան) և գյուղատնտեսության (ղեկավար՝ ՀՍՍՌ գիտությունների ակադեմիայի թղթակից-անդամ Մ. Սիմոնով):

Ասպիրանտուրայի ղեկավարությունը իրականացվում է կոմիտեի միջոցով, որի կազմում են 7 գիտնականներ՝ ակադեմիկոսներ Մ. Կասյանը (ռեկտոր), Գ. Աղաջանյանը, ԳԱ թղթակից-անդամ Մ. Սիմոնովը, տեխնիկական գիտությունների թեկնածու Ի. Տեր-Ազարովը, դոկտոր-պրոֆեսոր Ա. Հարությունյանը և ուրիշներ:

Այսպիսով գիտական հիմնարկների, ղերատեսչությունների աջակցությամբ հասարակական հիմունքներով ասպիրանտուրան արդեն դարձել է մեր հանրապետության գիտա-տեխնիկական կազմերի պատրաստման կենտրոններից մեկը:

ՍՄԿՊ Կենտկոմի ղեկավարության (1963) պլենումից հետո՝ քիմիան գյուղատնտեսության մեջ լայնորեն կիրառելու համար մեր հանրապետության մի

¹¹ «Коммунист», 15 апреля, 1964.

շարք արտադրական վարչություններում հասարակական հիմունքներով կազմակերպվեցին ագրոքիմիայի համալսարաններ:

1964 թ. հունվարին Արտաշատում տեղի ունեցան հասարակական հիմունքներով ստեղծված ագրոքիմիայի երկամյա համալսարանի առաջին պարապմունքները: Համալսարանում սովորում են արտադրական վարչության կոլտրնտեսությունների նախագահներ, սովխոզների գիրեկտորներ, կուսկազմակերպությունների քարտուղարներ, ջրային տնտեսության շրջանային բաժանմունքի, արտադրական վարչության և կուսակցական կոմիտեի ապարատների աշխատողները՝ ընդամենը 240 ունկնդիրներ¹²:

Ագրոքիմիայի համալսարանի ստեղծմանը և նրա գործունեությանը ակտիվ մասնակցություն են ունենում գյուղատնտեսական ինստիտուտի դասախոսներն ու պրոֆեսորները: Համալսարանի պրոռեկտորն է ինստիտուտի կուսկոմի քարտուղար Բ. Դավթյանը: Բացի դասախոսություններից կազմակերպվում են նաև փորձնական պարապմունքներ դաշտերում և ֆերմաներում, իրենց աշխատանքի փորձի մասին պարապմունքների ժամանակ ելույթներ են ունենում արտադրության առաջավորները:

Աշխատավորների կոմունիստական դաստիարակության, աշխատանքային և արտադրական կարգապահության բարձրացման, անօրինականությունների և շարաշահումների դեմ պայքար կազմակերպելու գործում հսկայական դեր են կատարում ընկերական դատարանները: Մեր հանրապետությունում գործում են 2200 ընկերական դատարաններ, որոնցում ընդգրկված են 15 հազար մարդ¹³: Կան նաև հասարակական մեղադրողներ, դատախազի օգնականներ, հսկիչներ, միլիցիայի արտահաստիքային աշխատողներ:

Մինչև վերջին ժամանակներս ընկերական դատարանները գերազանցապես զբաղվում էին աշխատանքային կարգապահության հարցերով: Այժմ ղգալի չափով ընդլայնվել են նրանց գործունեության շրջանակներն ու իրավունքները: Գերագույն սովետի նախագահության հրամանագրերով ընկերական դատարաններին իրավունք է վերապահվել քննարկելու նաև մանր խուլիգանություն, սպեկուլյացիա, տնտեսական, հասարակական ունեցվածքի մանր հափշտակումներ և խախտումներ կատարող անձանց գործերը: Ընկերական դատարանները իրավունք ունեն նաև հիմնարկ-ձեռնարկությունների ղեկավարների առջև հարց բարձրացնելու իրավասություններ կատարած այս կամ այն անձանց աշխատանքից ազատելու, կամ 15 օրվա ժամկետով իջեցնելու ցածր աշխատանքի:

Ընկերական դատարաններին տվյալ ֆունկցիաների հանձնումը, որոնք նախկինում կատարում էին տնտեսական օրգանները, հնարավորություն է տալիս բրեական պատիժները հասարակական ներգործության ազդեցությամբ փոխարինելու, ինչպես պահանջվում է ծրագրում. «Աշխատավորների նյութական ապահովության, կոլտնտեսական մակարդակի և գիտակցության աճը բոլոր պայմանները ստեղծում են, որտեղից արմատախիլ արվի հանցագործությունը, վերջին հաշիվով քրեական պատժի միջոցները փոխարինվեն հասարակական ներգործության միջոցներով»¹⁴:

12 «Սովետական Հայաստան», 28 հունվարի, 1964:

13 «Սովետական Հայաստան», 15 մայիսի, 1964:

14 «ՍՍՀՄ XXII համագումարի նյութերը», Հայպետհրատ, 1962, էջ 529:

Քաղաքներում, գյուղերում, ավաններում հասարակական կարգի, սովետական վարվեցողության կանոնները խախտողների, խուլիգանների ու հակահասարակական այլ արարքներ թույլ տվողների դեմ պայքարելու ուղղությամբ հսկայական գործ է կատարում 1959 թ. աշխատավորների նախաձեռնությամբ ծնունդ առած ժողովրդական դրուժինիկների մեծ բանակը: Հանրապետությունում ակտիվ գործունեություն են ծավալել 1500 դրուժինաներ, որոնցում ընդ-իրկված են 30 հազար էնտուսիաստներ¹⁵:

Ժողովրդական դրուժինաների գործունեության մեջ առաջ են ելել նոր երե-վույթներ: Ժողովրդական այդ ինքնագործ կազմակերպությունները օրեցօր զար-վանում, կատարելագործվում են, դառնում հասարակական կարգի, սոցիա-լիստական սեփականության պահպանման հիմնական օղակներից մեկը: Բա-վական ընդլայնվել են ժողովրդական դրուժինաների կազմակերպական շր-ջանակները, նրանց են միացել նաև «Կոմերիտական լուսարձակները», օպերա-սիլ շտաբները: Կազմակերպական տեսակետից այդ միջոցառումը հնարավո-րություն է ընձեռել վերացնելու ժողովրդական դրուժինաների և մյուս կազմա-կերպությունների միջև եղած զուգահեռականությունը, պայմաններ է ստեղծել ավելի խոր ու հետաքրքիր դարձնելու ժողովրդական ինքնագործ այդ օրգան-ների աշխատանքի բովանդակությունը: Այսպես, օրինակ՝ եթե սկզբնական շրջանում ժողովրդական դրուժինաների հիմնական գործունեությունը սահմա-նափակվում էր միայն փողոցներում շրջագայելով, ապա այժմ նրանք ակտիվ կերպով պայքարում են սոցիալիստական սեփականության վատնումների, ան-տեսեւսվարության, սպեկուլյացիայի և շարաշահումների դեմ, օգնում են փո-ղոցային երթևեկության կանոնները պահպանելու գործին:

Բնակչության բուժսպասարկումը ավելի լավ կազմակերպելու նպատակով 1962 թ. նրեանի № 2 բուժմիավորումը բացեց հասարակական հիմունքներով աշխատող բուժքույրերի պատրաստման դասընթացներ, որոնցում ընդգրկվեցին թաղամասի բնակիչներից շատերը. ավարտելով այդ դասընթացները բազմա-թիվ տնային տնտեսուհիներ հասարակական հիմունքներով ստանձնեցին բուժ-քույրերի պարտականություններ: Օրինակ Ս. Սարգսյանը, որը դասընթացներն ավարտելուց հետո անցել է գործի, հաճախակի փոխարինում է հիվանդանոցի բուժքույրերին, տեղամասային բժիշկների հետ շրջագայում թաղամասերը, ու-սումնասիրում և բուժմիավորման քննարկմանն է ներկայացնում սանհիգիենայի հարցեր: Սարգսյանն ունի նաև իր տեղամասը, որտեղ հաճախակի կազ-մակերպում է բնակիչների հավաքներ, քննարկում փողոցների սանիտարական մաքրության հարցեր, խորհուրդներ տալիս բնակիչներին¹⁶:

Հասարակական հիմունքները մեծ տեղ են գրավում նաև արհմիութենական աշխատանքներում: Արհմիությունների հանրապետական կոմիտեներում հա-սարակական հիմունքներով գործող տարբեր հանձնաժողովները, բաժիններն ու տեսուչները լուրջ օգնություն են ցույց տալիս արտադրական կոլեկտիվների հետ կապն ամրապնդելու, արտադրության նկատմամբ արհմիությունների սղեղեցությունը ընդլայնելու, աշխատավորների հանգիստը լավագույն ձևով կազմակերպելու, ձեռնարկություններում, շինարարությունում, տրանսպորտում

¹⁵ Սովետական Հայաստան, 15 մայիսի, 1964:

¹⁶ Սերեկոյան Երեան, 15 հունվարի, 1964:

հաստիարակչական և կուլտ-մասսայական աշխատանքներ ծավալելու ուղղությամբ:

ՀԱՄԽ-ի մետալուրգիական արդյունաբերության աշխատողների արհմիության հանրապետական կոմիտեին կից գործում են աշխատանքի պաշտպանության արտահաստիքային բաժին, կուլտուր-մասսայական աշխատանքների հանձնաժողով, հրահանգիչներ: Աշխատանքի պաշտպանության արտահաստիքային բաժինը ղեկավարում է Հայկական ՍՍՌ Մինիստրների սովետին կից պետական լեռնատեխնիկական տեսչության ինժեներ Ա. Թոխունցը: Բաժնի հասարակական հրահանգիչների թվում են ժողտնտխորհի գունավոր մետալուրգիայի և լեռնահանքային արդյունաբերության վարչության աշխատակից Ն. Զեքոտարյովը, ալյումինի գործարանի աշխատակից Մ. Թադևոսյանը, ինժեներներ Կ. Հարությունյանը, Լ. Պուլոսյանը և ուրիշ ակտիվիստներ:

Հանրապետության մի շարք ձեռնարկությունների որոշ ղեկավարներ թե՛ րազնահատում էին տեխնիկական անվտանգության և աշխատանքի պաշտպանության միջոցառումները: Այդ հարցը կոմիտեի խորհրդով ուսումնասիրեց արտահաստիքային բաժինը, որին մասնակցեցին ավելի քան 200 ակտիվիստներ: Մասսայական այդ ստուգումը ձեռնարկություններին օգնեց վեր հանելու գոյություն ունեցող լուրջ թերությունները¹⁷:

Կոմունիստական հասարակական ինքնավարության անցնելու գլխավոր նախապայմանն այն է, որ հասարակական հիմունքների զարգացման հետ մեկտեղ բարելավվի կառավարման գործը: Իսկ դրան կյարելի է հասնել այն ժամանակ, երբ հասարակական հիմունքներով աշխատողները մշտապես կգտնվեն ժողովրդական լայն մասսաների վերահսկողության ներքո, կլինեն նրանց հաշվետու, կընտրվեն նրանց կողմից, սխտեմատիկաբար փոփոխության կենթարկվեն:

ՍՄԿՊ Կենտկոմի նույնամբերյան (1962) պլենումը քննության առնելով ժողովրդական տնտեսության կուսակցական ղեկավարման արմատական հարցերը, նշեց ձեռնարկությունների ղեկավարման դեմոկրատական սկզբունքները ընդլայնելու և կատարելագործելու խնդիրները: ՍՄԿՊ Կենտկոմի պլենումը բոլոր կուսակցական կազմակերպությունների, կուսակցական, տնտեսական օրգանների, արհմիությունների, կոմերիտմիության և ուրիշ հասարակական կազմակերպությունների ուշադրություն է հրավիրում արտադրության ղեկավարմանը աշխատավորների մասնակցության դեմոկրատական սկզբունքների ընդլայնմանը, ձեռնարկությունների և շինարարության ղեկավարմանը լայն մասնակցության ներգրավմանը և միանձնյա ղեկավարության ճիշտ գույակցմանը¹⁸:

Պլենումը նպատակահարմար է գտել խոշոր ձեռնարկություններում, շինարարությունում ստեղծել լայն ներկայացուցչական կազմակերպություններ՝ գործարանային, ֆաբրիկային, ցեխային արտադրական կոմիտեներ: Այդ կոմիտեները կազմվում են բանվորներից, ինժեներներից, ծառայողներից, կուսակցական, արհմիութենական, կոմերիտական կազմակերպությունների ներկայացուցիչներից: Արտադրական կոմիտեները մասնակցում են ձեռնարկությունների պլանների քննարկմանը, նրանց իրագործման նկատմամբ վերահսկողության սահմանմանը, կադրերի տեղադրմանը և այլն: Արտադրական կոմիտեների

¹⁷ «Коммунист», 24 марта, 1964.

¹⁸ ՍՄԿՊ Կենտկոմի 1962 թ. նույնամբերյան պլենումի որոշումը:

ստեղծման հիմնական նպատակն այն է, որ ձեռնարկության գործերի դեկավարման մեջ ներդրվեն ավելի շատ աշխատողներ:

Ներկայացուցչական կոլեկտիվ օրգանները նշանակալի դեր են կատարում արտադրության ղեկավարումը կատարելագործելու ուղղությամբ: Ինչպես հայտնի է ձեռնարկություններում, շինարարությունում, տրանսպորտում ստեղծված մշտական գործող արտադրական խորհրդակցությունները զբաղվում են արտադրության ղեկավարման բոլոր հարցերով: Այժմ ձեռնարկություններում, շինարարությունում արտադրության նորմաների սահմանումը, գոյություն ունեցող նորմաների վերանայումը՝ կապված նոր տեխնիկայի ներդրման և կադմակերպական այլ միջոցառումների հետ, բանվորների ու ծառայողների աշխատանքից ազատումը և այլ հարցեր ադմինիստրացիաները որոշում են միայն արհմիութենական կոմիտեների համաձայնությամբ: Բացի դրանից արհմիութենական կոմիտեների գիտությամբ և համաձայնությամբ է կատարվում նաև ձեռնարկության ֆոնդային միջոցների օգտագործումը՝ կապված անհատական պարգևատրումների, կարիքավոր բանվոր-ծառայողներին օգնություն ցույց տալու հետ:

Պլենումը հատուկ ուշադրություն դարձրեց կուսակցական, պետական և հասարակական վերահսկողության կատարելագործման վրա, անհրաժեշտ համարեց երկրում վերափոխել վերահսկողության սիստեմը, նրա հիմքում դնելով կուսակցական և պետական վերահսկողության զուգակցման մասին լենինյան ցուցումները: Անհրաժեշտ է ամուրի վերահսկողություն սահմանել աշխատանքի չափի և սպառման չափի նկատմամբ, փսիկ ժուլիկների, ձրիակերների, կաշառակերների, բյուրոկրատների ճանապարհը: Այդ աշխատանքները մեծամասամբ այժմ կատարում են հասարակական հիմունքներով աշխատողները:

«Իսկ կոմունիզմ,— նշում է Վ. Ի. Լենինը,— մենք անվանում ենք այն կարգը, երբ մարդիկ սովորում են կատարել հասարակական պարտականություններ առանց հարկադրման հատուկ ապարատների, երբ հանրության օգտին կատարած անվարձ աշխատանքը դառնում է ընդհանուր երևույթ»¹⁹:

Աշխատավորների կոմունիստական գիտակցության բարձրացման, նրանց մեջ դեպի աշխատանքը ունեցած կոմունիստական վերաբերմունքի սկզբունքները արմատավորելու շնորհիվ մեր հանրապետությունում օրեցօր ծնունդ են առնում հասարակական գործի ընդհանուր շահերը արտացոլող ժողովրդական ինքնագործ բազմաթիվ այլ կադմակերպություններ: Հայկական ՍՍԻ կոմունալ տնտեսության միսիստրության հասարակական նախագծա-կոնստրուկտորական բյուրոն, որը ղեկավարում է երիտասարդ մասնագետ Կառլեն Եփրեմյանը, ճանաչում է գտել հանրապետությունում և նրա սահմաններից դուրս: Իր գործունեության մոտ երկու տարվա ընթացքում շատ բան է արել բյուրոն: Առաջին հանձնարարությունը, որը կատարվեց բյուրոյում ընդգրկված տասնյակ ճարտարապետների կողմից, դա տրանսպորտի համար ավտոմատ գանձարկղերի նախագիծն էր: Հասարակական նախագծա-կոնստրուկտորային բյուրոյի էնտուզիազիստներից մեկի՝ Կ. Քոչարյանի առաջարկով կադմակցին ավտոմատ գանձարկղերի նախագծեր և ուղարկվեցին մասսայական արտադրության: Շուտով ավտոմատ գանձարկղերը լայն տարածում գտան ոչ միայն մեր հանրապետու-

19 Վ. Ի. Լենին, Երկեր, հ. 30, էջ 356:

թյունում, այլև Միության մեջ և խթան հանդիսացան տրանսպորտում ինքնասպարկումը լայնորեն ներդնելուն:

Նախագծա-կոնստրուկտորական բյուրոն հասարակական հիմունքներով կազմեց նաև Ապարանի շրջկենտրոն Մարալիկի ջեռուցման սիստեմի տեխնիկա-բանվորական նախագծերը, ձևավորեց Երևանի քաղաքային տնտեսության ավտոտրանսպորտի գիտատեխնիկական ընկերության հանրապետական կոնֆերանսում ցուցադրած ստենդները և այլն: Երիտասարդ էնտուզիազիստները որոշել են կատարել հանրապետական ստադիոնի վերանախագծման աշխատանքները, ըստ որի հաշվի առնելով բնակչության պահանջները նախատեսվում է եղած հյուսիսային և հարավային տրիբունաների վրա կառուցել երկաթ-բետոնյա նոր տրիբունաներ, որտեղ կարելի է տեղավորել 10 շարք նստարաններ 8000 հանդիսատեսների համար:

Երևանի Մուրացանի անվան փողոցում հինգհարկանի բնակելի մի շենք կա, որտեղ բնակվող 1200 բնակիչներն ասլորում են կոմունիստական կենցառով: Այստեղ բնակիչների ուժերով ստեղծվել են տաղավարներ, կանաչ տարածություններ, ձմեռուղիներ, խաղահրապարակներ, կազմակերպվել երգի անուամբ, որը ղեկավարում է վաստակավոր արտիստ Մ. Սենիքերիմյանը: Բակում կառուցել են բաց էստրադա, գործում է օկորդինիստների խմբակ՝ Դ. Ղալարյանի ղեկավարությամբ: Շենքի բնակիչ Վիրաբյանը պատանիների և աղջիկների համար կազմակերպել է ֆոտոխմբակ: Իրենց ուժերով բնակիչները բացել են արտեզյան ջրհոր՝ ոռոգման համար: Այդ շենքը արժանացել է կոմունիստական կենցաղավարության կոշմանը: Այստեղ չկա «իմ» և «քո» նեղ, սահմանափակ հոգսեր, անձնական, կամավոր ցանկություններ, և հրճվանքն ու հոգսերը, ուրախություններն ու ձախորդությունները հավասար չափով բաժանում են բոլորը²⁰:

Այդ ամբողջ աշխատանքը, կոմունիստական կենցաղը արմատավորում է ոչ թե թաղային կոմիտեն, այլ շենքի հասարակական հիմունքներով ստեղծված կոմիտեն, որը ղեկավարում է շենքի բնակիչ Ա. Սահակյանը: Կոմիտեի ջանքերով այստեղ արմատավորվել է ինքնասպասարկումը, գործում են ծնողական կոմիտեն, ձմեռային ակումբը, ումառային էստրադան:

Այս շենքի մարդիկ «ամենքն ունեն ուրույն անձնական հույզեր: Բայց իրանք չեն պարփակվում իրենց բնավորություններում: Այլ մշտապես այցելում են իրար, և դուրս գալով իրենց «ուրույն աշխարհից», մտնում են ամեն մի շախ, համարձակ ու պարզ, բարի ու շիտակ, ինչպես աղնիվ բարեկամ ու ծալր է առնում մեծ զրույց ամենքի ու ամեն մեկի մասին,— ով ինչպես է ապրում, ով ինչով շնչում»²¹:

Հասարակական աշխատանքները սովետական քաղաքացիները կատարում են մեծ սիրով: «Մեր նպատակն է,— նշում է Վ. Ի. Լենինը,— որ յուրաքանչյուր աշխատավոր անվճար կատարի պետական պարտականությունները՝ արտադրողական աշխատանքի 8-ժամյա «դասը» վերջացնելուց հետո. դրան անցնելիս սուռնանապես դժվար է, բայց այս անցման մեջ է միայն սոցիալիզմի վերջնական ամրապնդման երաշխիքը»²²:

20 «Երևկոյան Երևան», 26 մարտի, 1964.

21 Նույն տեղում:

22 Վ. Ի. Լենին, Երկեր, հ. 27, էջ 328.

Կոմունիզմի կառուցման և պետության մահացման սոցիալ-տնտեսական ֆիակսորենների կողքին, Վ. Բ. Լենինը դնում էր նաև այն հարցը, թե որքանով սոցիալիստական հասարակության բոլոր անդամների համար կարմատավորվեն մարդկային համակեցության էլեմենտար նորմաները, որքանով բոլոր քաղաքացիները ակտիվորեն կմասնակցեն հասարակական կարգի ամրապնդմանը: Կոմունիզմը կկառուցվի այն ժամանակ, երբ մարդիկ ռաստիճանաբար կսովորեն պահպանել համակեցության տարրական, դարերից ի վեր հայտնի, բոլոր այբբենարաններում հազարավոր տարիներ կրկնած կանոնները, կսովորեն այդ կանոնները կատարել առանց բռնության, առանց հարկադրանքի, առանց հպատակման, առանց հարկադրության այն հատուկ ապարատի, որը պետություն է կոչվում»²³:


Կոմունիզմի կառուցման ներկա ժամանակաշրջանում, երբ հասարակական, առանց հարկադրման աշխատանքը դառնում է միլիոնավոր մարդկանց համար սովորություն, առաջին կենսական անհրաժեշտություն, մարդկանց հասարակական կապերի մեջ առաջ են գալիս նոր հատկություններ՝ կոլեկտիվիզմ, ստեղծագործական փոխօգնություն, մարդասիրություն, անհաշտ վերաբերմունք շարունակյալ և անարդարության նկատմամբ:

Մասսաների հետ կապի ամրապնդման, պետության գործերի կառավարմանը ավելի շատ աշխատավորների ընդգրկման, հասարակական հիմունքների զարգացման գործում կարևոր դեր են կատարում սովետները և արհմիութենական կոմիտեները: Սովետներում վերջին տարիներս իրենց գործունեությունն են աշխուժացրել հասարակական հիմունքներով ստեղծված մի շարք կազմակերպություններ: Աշխատավորների դեպուտատների Երևանի բոլոր շրջանային սովետները շունեն առևտրի, առողջապահության, կուլտուրայի բաժիններ, իսկ այդ բնագավառներում, ինչպես հայտնի է հսկայական աշխատանք կա անելու: Այս հարցում օգնության են հասնում հասարակական հիմունքներով գործող կազմակերպությունները՝ մշտական հանձնաժողովները, արտահաստիքային բաժիններն ու տեսուչները: Երևանի Օրջոնիկիձեի շրջսովետին կից գործում են առևտրի, կուլտուրայի բաժիններ, որոնց շուրջը համախմբված տասնյակ ակտիվիստներ զբաղվում են շրջանի առևտրական, կուլտուր-լուսավորական հիմնարկների գործունեությամբ, ուսումնասիրում և սովետի գործկոմի քննարկման են ներկայացնում առանձին առևտրական օբյեկտների կամ կուլտուր-լուսավորական հիմնարկների աշխատանքի վերաբերյալ հարցեր: «Ժամանակակից պայմաններում, երբ աշխատավորների դեպուտատների սովետները դարձել են համապարփակ կազմակերպություններ, հարկավոր է գործը կազմակերպել այնպես, որպեսզի սովետները հիմնվելով բազմաթիվ հանձնաժողովների, ինչպես նաև աշխատավորների ինքնագործ կազմակերպությունների վրա, ամեն օր յուրաքանչյուր քաղաքում, ավանում, գյուղում, յուրաքանչյուր տան մեջ, կատարեն դաստիարակչական, կուլտուր-լուսավորական աշխատանքներ»²⁴:

Այսպիսով, ժողովրդական դեպուտատների սովետների աշխատանքներին աշխատավորական լայն մասսաների մասնակցությունը հնարավորություն կտա իրագործելու ՍՄԿՊ Ծրագրի այն իմաստուն պահանջը, որ «անհրաժեշտ է գործն այնպես անել, որ պետական վճարովի ապարատը կրճատվի, որ կառա-

23 Վ. Բ. Լենին, Երկեր, հ. 25, էջ 601:

24 «ՍՄԿՊ Կենտկոմի հոմիսյան (1963) պլենումի որոշում» էջ 25—26:



վարման հմտություններին տիրապետեն ավելի ու ավելի լայն մասսաներ, և այդ ապարատում աշխատանքը հետագայում դադարի հատուկ պրոֆեսիա լինելուց²⁵:

Այժմ աշխատավորների դեպուտատների սովետների գործկոմներում ընտրվում են նաև գործկոմի նախագահի հասարակական հիմունքներով աշխատող տեղակալներ, կուսակցական քաղկոմներում և շրջկոմներում՝ քաղկոմի ու շրջկոմի քարտուղարներ՝ իրենց ենթակա բաժիններով ու հրահանգիչներով: Փորձը ցույց է տալիս, որ հասարակական հիմունքներով գործող այդ նոր օրգանները հսկայական դեր են կատարում սովետական, կուսակցական ապարատների գործունեության աշխուժացման ուղղությամբ: Կոմունիզմի կառուցման ներկա էտապում տեղի և ունենում հասարակության գործերի կառավարման ձևերի փոփոխություն, որն իր հերթին էվոլյուցիա է ստեղծում պետության կառավարման ամբողջ սխեմայում: Պետական կառավարման ֆունկցիաները հասարակական կազմակերպություններին հանձնելը, սոստիճանաբար հասարակական ինքնավարության սինցնելը հնարավորություն են տալիս վարչական օրգանների համեմատական կրճատման համար:

Երկու տարի առաջ Երևանի արդյունաբերական ձեռնարկությունների բազմատիրաժ թերթերը ղեկավարում էին հաստիքով աշխատող խմբագիրներ: Այժմ մի շարք ձեռնարկություններում վերացել են այդ հաստիքները և թերթերի խմբագիրներ են դարձել հասարակական աշխատողները՝ ցեխերի պետերը, վարպետները: Արդեն երկու տարի է ինչ Ս. Մ. Կիրովի անվան գործարանի Կիրովեց բազմատիրաժ թերթի խմբագիրն է ցեխի պետ Հ. Շավոյանը:

Հանրապետության բոլոր թերթերի խմբագրություններում գործում են բազմաթիվ արտահաստիքային բաժիններ, որոնք հսկայական աշխատանք են տանում թերթերն ավելի բուլանդակալի դարձնելու համար: «Երեկոյան Երեվան» թերթի քաղաքային տնտեսության և կենցաղի բաժնին կից գործում է արտահաստիքային բաժին, որտեղ համախմբված են 12 ակտիվիստներ: Բաժնի վարիչն է շինանյութերի ու կառույցվածքների ինստիտուտի աշխատակից Ս. Լևաբաջյանը, գրական աշխատողները՝ 8-րդ պոլիկլինիկայի զխավոր բժիշկ Լ. Քոչարյանը, պահեստի զնդապետ Յ. Սարգսյանը, Օրջոնիկիձեի շրջանի միլիցիայի բաժանմունքի քննիչ Վահրադյանը և ուրիշներ:

Սովետական, կուսակցական ապարատներում հասարակական հիմունքներով գործող բազմաթիվ բաժինների, տեսուչների, խմբերի ու հրահանգիչների, հանձնաժողովների ու խորհուրդների աշխատանքի փորձը ցույց է տալիս, որ հնարավոր է աստիճանաբար կրճատել որոշ հաստիքային աշխատողներ, նրանց ֆունկցիաները հանձնելով արտահաստիքային բաժիններին:

Ընկեր Ն. Ս. Խրուշչովը ՍՄԿՊ XXII համագումարում տված հաշվետու զեկուցման մեջ նշել է. «Մեր երկրում տեղի է ունենում սոցիալիստական պետականությունը հասարակական ինքնավարության վերաճելու պրոցեսը: Որպես կոմունիստական հասարակարգ կառուցող ժողովրդի առաջավոր ջոկատ, կուսակցությունը պետք է առջևից ընթանա նաև իր ներպարտիական կյանքի կազմակերպման գործում, ցույց տալով կոմունիստական հասարակական ինքնավարության առավել կատարյալ ձևեր մշակելու օրինակ ու տիպար: Գործնա-

25 «ՍՄԿՊ XXII համագումարի նյութեր», Հայպիտհրատ, 1962, էջ 527:

կանոններն դա կարող է նշանակել, որ, ասենք, կուսակցական օրգանների ապարատը անշեղորեն կկրճատվի, իսկ կուսակցական ակտիվի շարքերը կաճեն: Կուսակցական օրգաններում պետք է ավելի ու ավելի շատ լինեն հասարակական հիմունքներով աշխատող հանձնաժողովներ, բաժիններ, շրջկոմների և քաղկոմների հրահանգիչներ, քարտուղարներ»²⁶.

Քաջարանը մեր հանրապետության արդյունաբերական երիտասարդ քաղաքներից մեկն է: Այստեղ է գտնվում հանրապետության լեռնարդյունաբերության հսկան՝ Քաջաբանի պղնձա-մոլիբդենային կոմբինատը: Տարեցտարի աճում, զարգանում է քաղաքը: Կառուցվում են նոր ձեռնարկություններ, բնակելի տներ, բացվում են նոր փողոցներ: Այս նորաստեղծ քաղաքում մեծամասնություն է կազմում երիտասարդությունը: Սակայն Քաջարանի կոմերիտական կազմակերպությունների ղեկավարությունը կատարում է ոչ թե հաստիքային ապարատը, այլ հասարակական հիմունքներով ստեղծված Քաջաբանի ԼԿԵՄ կոմիտեն. որի կազմում ընդգրկված են 103 արտահաստիքային աշխատողներ:

1963 թ. սեպտեմբերի 13-ին Քաջարանում հրավիրվել է քաղաքային կոմերիտական կազմակերպության առաջին կոնֆերանսը²⁷, որը ՀԼԿԵՄ Կենտկոմի թույլտվությամբ փակ (գաղտնի) քվեարկությամբ ընտրել է քաղաքային կոմիտեի կազմը՝ 49 անդամ, 13 թեկնածու, 9 հոգուց բաղկացած վերաստուգիչ հանձնաժողով: Ստեղծված են 5 բաժիններ՝ արդյունաբերության, գաղափարական, սովորող երիտասարդների, սպորտի և պաշտպանության, կոմերիտական կազմակերպությունների, հաշվառման սեկտոր, կոմերիտական «Լուսարձակի» շտաբ: Յուրաքանչյուր բաժին ունի վարիչ և 3 հրահանգիչ: Առաջադրված 9 հոգուց բաղկացած քաղկոմի բյուրոյի կազմն է. Քաջաբանի պղնձա-մոլիբդենային կոմբինատի գլխավոր մեխանիկի տեղակալ Ծ. Բեորգյան՝ քաղկոմի առաջին քարտուղար, «Քաջարանչին» տրեստի արդյունաբերական տեղամասի աշխղեկ Վ. Աբրահամյան՝ քարտուղարի տեղակալ, կոմբինատի ԼԿԵՄ կոմիտեի հաշվառման սեկտորի վարիչ Ս. Դեորգյանը, № 16 պրոֆտեխուսումնարանի վարպետ Ժ. Հարությունյանը, Ուլջի միջնակարգ դպրոցի ավագ ջոկատավար Վ. Հակոբյանը, հիվանդանոցի բուժքույր Ն. Կարապետյանը, «Քաջարանչին» տրեստի բանվոր Ս. Գասպարյանը, կոմբինատի լեռնային արտադրամասի ԼԿԵՄ կազմակերպության քարտուղար Ս. Հարությունյանը:

Բացի բաժիններից քաղկոմին կից ստեղծված է ավագների խորհուրդ, որտեղ ընդգրկված են 7 կոմերիտականներ: Խորհրդի ղեկավարն է կոմբինատի դիրեկտորի տեղակալ Լ. Խանֆերյանը: Կոմերիտական քաղկոմն ունի իր օրգան սկոմերիտական լուսարձակս պատի թերթ:

Քաջարանի հասարակական հիմունքներով գործող ԼԿԵՄ քաղկոմը կոորդինացնում է քաղաքի բոլոր արտադրական, շինարարական, դպրոցական և հիմնարկային կոմերիտական կազմակերպություններին: Այդ օրինակը վկայում է, որ հնարավոր է աստիճանաբար կրճատել պարտիական, կոմերիտական կոմիտեների վարձով աշխատողների հաստիքը՝ այն դարձնելով հասարակական հիմունքներով, որը հանդիսանում է կոմունիստական ինքնավարության անցնելու պայմաններից մեկը:

²⁶ «ՍՍՏԿ» XXII համագումարի նյութեր, էջ 134:

²⁷ Տե՛ս ՀԼԿԵՄ Քաջարանի հասարակական հիմունքներով քաղկոմի ընթացիկ արխիվ, քաղկոմի 1 կոնֆերանսի նյութերը, արձանագրություն № 1:

Ներկա ժամանակում, երբ առաջ են գալիս պետական կառավարման նոր մասսայական կազմակերպություններ, կուսակցությունը, ինչպես նշված է ՍՄԿՊ Կենտկոմի նոյեմբերյան (1962) պլենումի որոշումներում, չպետք է մի կողմ կանգնի, ընդհակառակը պետք է ավելի բարձրանա նրա դերը, որպես ամենահեղինակավոր հասարակական կազմակերպության, նա պետք է ղեկավարի և ուղղություն ցույց տա բոլոր մյուս, հասարակական կազմակերպություններին:

Կուսակցության դերի բարձրացումը կոմունիզմի ծավալուն կառուցման ժամանակաշրջանում պայմանավորվում է կոմունիստական շինարարության մասշտաբների մեծացմամբ, սոցիալիստական դեմոկրատիայի հետագա ընդլայնմամբ, հասարակական կազմակերպությունների դերի բարձրացմամբ, հանրապետական և տեղական կազմակերպությունների իրավունքների ընդլայնմամբ: Այսպիսով, կոմունիստական կուսակցությունը որպես համաժողովրդական կուսակցություն, հանդես է գալիս որպես հասարակական կազմակերպության բարձրագույն ձև, իրականացնում է ղեկավարությունը բոլոր մյուս կազմակերպությունների նկատմամբ, կոորդինացնելով և ուղղություն տալով բոլոր պետական և հասարակական կազմակերպությունների գործունեությանը: Ղեկավարման ֆունկցիան հանձնելով հասարակական հիմունքներով ստեղծված կազմակերպություններին, աստիճանաբար պետք է կրճատել հաստիքային ապարատները: Այդ պրոցեսը պետք է տեղի ունենա օրինաչափորեն, վերահիշյալ կազմակերպությունների գործունեության աշխուժացման, այլ ոչ թե թուլացման պայմանով: Սովետներն, օրինակ, հասարակական կարգի պահպանման, բնակչության կենցաղային սպասարկման, կուլտուրայի, առողջապահության բնագավառների ղեկավարումը լիովին հանձնել են թաղային կոմիտեներին, մշտական հանձնաժողովներին, ժողովրդական դրոժինաներին, հասարակական հիմունքներով ստեղծված առևտրի, կուլտուրայի բաժիններին, ընկերական դատարաններին: Այդ բնագավառների ղեկավարությունը հանձնելով հասարակական կազմակերպություններին, սովետները սերտ համագործակցում են նրանց հետ, օգնում այս կամ այն հարցի լուծմանը:

Եթե փորձենք ամփոփել մեր ասածը, ապա կարելի է նշել, որ հասարակական հիմունքներով աշխատանքը կոմունիզմի ծավալուն կառուցման ներկա էտապում զգացնել է տալիս կյանքի բոլոր բնագավառներում: Հասարակական հիմունքներով գործող կազմակերպությունները կոմունիստական հասարակության ծիլերն են, որոնք զարգանալով, վերափոխվելով և կատարելագործվելով կդառնան նոր հասարակարգի կառավարման օրգաններ:

Այժմ դժվար է ասել, թե հասարակական հիմունքներով գործող բազմաթիվ կազմակերպություններից, որը կդառնա համաժողովրդական օրգան, բայց զարգանալով, կատարելագործվելով կստեղծվի մի նոր, «հասարակական կազմակերպություն, որի միջոցով հասարակությունը պետք է կարգավորի իր հարաբերությունները»³²:

Կոմունիզմի ժամանակ կարող է լինել այնպիսի հասարակական կազմակերպություն, որը կժառանգի այն բոլոր լավ հատկանիշները, որոնք ստեղծել են կուսակցությունը, կոմերիտիությունը, պետական և հասարակական կազ-

³² ՀամԿԵՄ XIV համագումարում արտասանած ընկ. Ն. Ս. Խրուշչովի ճառից (տե՛ս «Սովետական Հայաստան», 22 ապրիլի, 1962):

մակերպությունները: Այժմ բոլոր հասարակական կազմակերպություններն ունեն իրենց առանձին ֆունկցիաները, խնդիրները: Սակայն բոլոր այդ կազմակերպությունների ընդհանուր խնդիրն այն է, որ իրենց գործունեությունը ուղղեն երկրի տնտեսության հետագա էլ ավելի բարգավաճմանը, կոմունիզմի նյութատեխնիկական բաղադրի ստեղծմանը, ժողովրդի կուլտուրական ու կենսական մակարդակի բարձրացմանը, կոմունիստական հասարակության մարդու դաստիարակմանը: Հետագայում, աստիճանաբար փոփոխման կենթարկվեն, նմահանան հասարակական կազմակերպությունների սպեցիֆիկ ֆունկցիաները, պահպանելով ընդհանուրը, հասարակության շահերին համապատասխանող, ժողովրդի կողմից ընդունված ֆունկցիաները:

Պետության մահացման պրոցեսը տեղի կունենա պետության ֆունկցիաներն աստիճանաբար հասարակական կազմակերպություններին հանձնելու և, ինչպես վերևում նշեցինք, պետական ապարատի աստիճանաբար կրճատման միջոցով: Այդ կկատարվի ոչ միայն պետական ֆունկցիաներն աստիճանաբար հասարակական կազմակերպություններին հանձնելու, այլև հենց պետական ապարատի աշխատանքի մեթոդի վերափոխման միջոցով: Հրամաններին, հարկադրական միջոցներին կփոխարինեն դաստիարակչական և կազմակերպական բնույթի միջոցառումները:

1956 թ. ՍՍՌՄ Գերագույն սովետի հրամանագրով վերացվել են աշխատանքը լքելու համար դատական ուլտասխանատվության ենթարկելու պատժիչ միջոցները: Այդպես է նաև մանր խուլիգանություն կատարելու դեպքում դատական պատասխանատվության ենթարկելու հարցը: Այժմ այդպիսի հարցերի լուծումը դրված է ընկերական դատարանների, կոլեկտիվների վրա: 1959 թ. սեպտեմբերին 21-ին Ն. Ս. Նրուշչովը ամերիկյան արհմիությունների լիգաների հետ ունեցած դրույցի ժամանակ ասաց. «Մենք կրճատում ենք զինված ուժերը, կրճատում ենք միլիցիան, ոչակասեցնում ենք պետական անվտանգության օրգանների աշխատողներին: Պետության կուռավարման և կարգի պահպանման ավելի շատ ֆունկցիաներ տրվում են հասարակական կազմակերպությունների ձեռքը»³³:

Սակայն պետության մի շարք ֆունկցիաների հասարակական կազմակերպություններին հանձնելը չի նշանակում պետական օրգանների գործունեության բուլառում: Ընդհակառակը, մի կողմից պետությունն օգտագործելով դաստիարակչական և համոզման մեթոդը ավելի է մերձենում հասարակական կազմակերպություններին, իսկ մյուս կողմից՝ հասարակական կազմակերպություններն իրենց վրա վերցնելով պետական մի շարք ֆունկցիաներ, պետության կուռավարման և տնտեսության ղեկավարման պարտականություններ, ավելի սերտորեն են կապվում սովետական համաժողովրդական պետության հետ: Պետական և հասարակական կազմակերպությունների ընդհանուր գործի համար կատարած ֆունկցիաների մերձեցումը կատարվում է աստիճանաբար, առանց խանգարելու մեկը մյուսին, ընդհակառակը, նրանք օգնում, աջակցում են միմյանց, այդ ֆունկցիաները կատարում դեմոկրատական սկզբունքներով:

Այսպիսով, պետական և հասարակական կազմակերպությունների ֆունկցիաների մերձեցումը պայմաններ է ստեղծում կոմունիստական հասարակական ինքնավարության անցնելու համար:

³³ «Սովետական Հայաստան, 23 սեպտեմբերի, 1959»:

Հասարակական հիմունքների զարգացումը կարևոր նշանակություն ունի կոմունիստական հասարակության ծավալուն կառուցման ներկա էտապում: Հասարակական հիմունքներով ստեղծված ժողովրդական ինքնագործ կազմակերպություններում ընդգրկված հազարավոր աշխատավորներ ակտիվորեն մասնակցում են մեր հանրապետության պետական իշխանության, ժողովրդական տնտեսության ու կուլտուրական շինարարության ղեկավարմանը: Հասարակական հիմունքներով գործող կադմակերպությունները, չենիի խոսքերով ստած, ապագա հասարակության ծիլերն են, որոնք «...պրոլետարական պետական իշխանության աջակցությամբ... չեն թառամի, այլ կաճեն ու կզարգանան՝ վերածվելով լիակատար կոմունիզմի»³⁴:

Այժմ, կոմունիզմի ծավալուն կառուցման ժամանակաշրջանում, պարտիայի ու կառավարության ղեկավարությամբ արագորեն աճում ու զարգանում են կոմունիզմի ծիլերը՝ իրենց առողջ արմատները տարածում մեր հասարակության պարարտ հողում:

А. А. Садагян

РАЗВИТИЕ ДВИЖЕНИЯ ЗА ТРУД НА ОБЩЕСТВЕННЫХ НАЧАЛАХ В НАШЕЙ РЕСПУБЛИКЕ

Р е з ю м е

В ходе строительства коммунистического общества изменяются и усовершенствуются формы и методы управления народным хозяйством и культурного строительства. За последние десять лет, особенно после XXI и XXII съездов КПСС, созданы и развиваются многочисленные самодеятельные народные организации, действующие на общественных началах.

На промышленных предприятиях, стройках, транспорте, в учреждениях, партийных, советских и профсоюзных органах Армянской ССР на общественных началах активно действуют бюро экономического анализа, советы новаторов и рационализаторов, разнообразные комиссии, отделы, инспекторы, научные и конструкторские учреждения и другие общественные организации, которые своей активной деятельностью оказывают действенную помощь партийным, советским и хозяйственным органам в деле создания технической базы коммунизма, развития коммунистических отношений, воспитания нового человека.

Развитие общественных начал является основой перехода от социалистического государства к коммунистическому общественному самоуправлению.

³⁴ Վ. Ի. չենիի, Ծրվեր, հ. 29, էջ 526: